



Broj: 02-04-55782-4/25
Sarajevo, 04.12.2025. godine

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14 - Novi prečišćeni tekst i 37/14 - Ispravka) i člana 6. stav (2) Zakona o privremenom preuzimanju sufinansiranja institucija kulture i obrazovanja čiji je osnivač Bosna i Hercegovina („Službene novine Kantona Sarajevo“, broj: 17/24) Vlada Kantona Sarajevo, na **134.** vanrednoj sjednici održanoj **04.12.2025.** godine, donijela je

ZAKLJUČAK

1. Prihvata se Program rada sa finansijskim planom poslovanja Historijskog muzeja Bosne i Hercegovine za 2025. godinu.
2. Program iz tačke 1. ovog zaključka dostavlja se Skupštini Kantona Sarajevo, informativno.
3. Ovaj zaključak stupa na snagu danom donošenja.


PREMIJER

Nihad Uk

Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
4. Premijer Kantona Sarajevo,
5. Ministarstvo kulture i sporta Kantona Sarajevo,
6. Historijski muzej Bosne i Hercegovine (putem Ministarstva kulture i sporta Kantona Sarajevo),
7. Evidencija,
8. A r h i v a.

Broj: 03 – 135 – 1/25
Sarajevo, 10.04.2025.



**KANTON SARAJEVO
MINISTARSTVO KULTURE I SPORTA**

PREDMET: Dostavljanje izvještaja o poslovanju

Poštovani,

Temeljem ugovora dostavljamo Vam:

- Narativni izvještaj o poslovanju za 2024. godinu
- Finansijski izvještaj o poslovanju za 2024. godinu
- Plan rada za 2025. godinu
- Finansijski plan poslovanja za 2025. godinu

Za sva dodatna pitanja stojimo na raspolaganju

S poštovanjem,

Direktorica



Elma Hašimbegović, muzejska savjetnica

2-1

1

PLAN RADA ZA 2025. godinu

Historijski muzej BIH je jedna od najstarijih kulturnih institucija u Bosni i Hercegovine koja od 1945.godine čuva i brine o muzejskim predmetima koji predstavljaju kulturno-historijsko naslijeđe BIH i njenih naroda i u svojoj višedecenijskoj historiji je stvorio fond od oko 400.000 muzejskih eksponata. Kroz svoj svakodnevni rad brine, s jedne strane, o zaštiti i istraživanju naslijeđa, a s druge strane, o promociji i prezentaciji naslijeđa. Na ispunjavanju ove misije radi kroz organizaciju različitih aktivnosti – izložbi, manifestacija, panela, konferencija, radionica i drugih sadržaja za različite ciljne grupe, od najmlađih konzumenata kulture tj kod onih kod kojih tek treba raditi na razvijanju svijesti o važnosti kulture, do najstarijih članova bh društva. Historijski muzej BIH u 2025. godini nastavlja sa strategijom korak po korak i vizijom muzeja otvorenog za sve. Za ovu godinu značajno je da Muzej obilježava 80 godina svog postojanja, svi programi i aktivnosti se provode pod sloganom Muzej živi – živi Muzej, a glavne aktivnosti muzeja se provode oko: izdavačke djelatnosti, restauracije, i na kraju izložbenih aktivnosti.

Misija muzeja je da kroz organizaciju aktivnosti i svakodnevni rad na očuvanju i promociji kulture i naslijeđa pokaže da su muzeji važna mjesta koja mogu utjecati na pozitivne promjene u društvu. Aktivnosti su fokusirane na rad na promociji muzeja kao mjesta kulture, historije i naslijeđa u različitim oblicima – izložbe, seminari, radionice, promocije i sl. i različitim formatima – u stvarnom i virtualnom prostoru. Uključuju: 1) istraživanje, pripremu, organizaciju događaja prema ustaljenom muzejskom kalendaru, kao i prema kalendaru za obilježavanje historijskih datuma i godišnjica, i 2) na implementaciju kulturnih događaja i sadržaja. Pored organiziranja događaja i aktivnosti prema ustaljenom muzejskom kalendaru, u 2025. godini Muzej stavlja u fokus važne godišnjice: 80 godina Muzeja, 80 godina od kraja Drugog svjetskog rata, 30 godina genocida u Srebrenici, 30 godina od potpisivanja mirovnog sporazuma u Daytonu. Svi ovi događaji planirani su i pripremaju se u saradnji sa domaćim i međunarodnim partnerima: IOM, UN Women, BHRT, de Monfort University UK, ShoahMemorial Pariz, Akademija likovnih umjetnosti,

EUROCLIO Holandija, Muzej grada Zagreba, VII Academy Sarajevo/USA, Udruženje ReAct, University of Pompeu Fabra Barcelona, Documenta Zagreb i mnogi drugi).

Kalendar muzejskih događaja:

Period februar – mart su rezervisani za saradnju sa Festivalom Sarajevska zima i Muzej u tom periodu bude domaćin višeizložbi međunarodnih i domaćih umjetnika.

April i maj su u kalendaru mjeseci kad se obilježavaju važni historijski događaji iz historije BIH, sa akcentom na period opsade Sarajeva.

Manifestacija Međunarodni dan muzeja se svake godine obilježava u trećoj suboti mjeseca maja. To je prilika da se kroz brižljivo kreiran program promovira rad i značaj muzeja.

Manifestacija "Ljeto u muzeju" se realizira u junu, julu i avgustu - s ciljem oživljavanja muzejskog prostora u toku ljeta. Brojnim aktivnostima, kao što su izložbe, kustoska vođenja, radionice za djecu i omladinu, predavanja, koncerti, filmske projekcije i promocije knjiga, Historijski muzej nastoji postati važna ljetna destinacija domaćem stanovništvu i internacionalnoj publici. Kroz učenje i zabavu, muzejski posjetitelji imaju priliku istraživati muzejske priče o historiji i naslijeđu Bosne i Hercegovine.

Obilježavanje genocida u Srebrenici. Muzej svake godine prigodnim programom obilježi 11.juli kao datum obilježavanja genocida u Srebrenici. Dosad je to radio u obliku izložbi (Tim Loveless, AlfonsRodriguez), video projekcija imena žrtava, čitanje imena žrtava, u saradnji sa SARTR teatrom, umjetničkih instalacija (Guernica-Srebrenica, Rikardo Druškić i dr), razgovora, stručnih vođenja i drugih formata.

- Manifestacija "Mjesec muzeja" Manifestacija pod nazivom "Mjesec muzeja" je sačinjena od aktivnosti koje u fokus stavljaju muzejske kolekcije, eksponate - ali i zgradu muzeja koja je zbog svojih arhitektonskih vrijednosti proglašena Nacionalnim spomenikom BIH. U toku ove manifestacije muzej će staviti naglasak na obilježavanje 80. godišnjice djelovanja.

U decembru muzej otvara vrata umjetnicima, udruženjima za realizaciju kulturnih i umjetničkih programa.

Ili, po mjesecima:

Januar

- 1.1. Naučno-istraživački rad na projektu Historija žena BIH i publikaciji (Muzej 80)
- 1.2. Digitalizacija građe (Muzej 80)

Februar

- 1.1. Naučno-istraživački rad na tekućim izložbama- BHRT 80, Žene BIH i publikaciji (Muzej 80)
- 1.2. Digitalizacija građe – radna posjeta arhivista iz Memorial de la Shoah (Pariz) na izradi elaborata i preporuka za digitalizaciju
- 2.1. Festival Sarajevska zima – : Izložba Seven Thousand Stars, Promised Land (Maelee Lee)
- 3. 1. Učešće u međunarodnoj konferenciji Museums at War (Stoderberg University, Stockholm)
- 4.1. međunarodni projekat, kick off sastanak, u saradnji sa Documenta, Zagreb

Mart

- 1.1. Naučno-istraživački rad na izložbama BHRT 80, Žene BIH i publikaciji Muzej 80
- 1.2. Prikupljački rad – rad na terenu i arhivima
- 2.1. Obilježavanje 8. marta – panel i izložba – javna najava rada na projektu Žene BIH
- 3.1. Izložba Project Century (Zoran Lešić)
- 3.2. promocija Werist Walter u Zagrebu, u saradnji s Muzej grada Zagreba, radionica sa studentima historije, u saradnji s Filozofskim fakultetom Zagreb
- 4.1. snimanje dokumentarnog filma povodom Muzej 80, u saradnji sa de Monfort University

April

- 1.1. Naučno-istraživački rad na izložbama BHRT, Žene BIH
- 1.2. Prikupljački rad – rad u arhivima (BHRT), terenski rad u zajednicama (Žene BIH)
- 1.3. Restauracija eksponata – živi muzej (restauratorski atelje i rad se mogu pratiti uživo)
- 2. Izložba Jutro će promijeniti sve (Sebas Velasco) i prateći događaji (razgovori/paneli)
- 3. Međunarodni projekat – seminar Bringing History to Life (Strasbourg)
- 4. Regionalna radionica za nastavnike historije, u saradnji sa Memorial de la Shoah (Drugi svjetski rat)

Maj

- 1.1. Naučno-istraživački rad na izložbama
- 1.2. Digitalizacija građe
- 1.3. Restauracija eksponata – živi muzej (restauratorski atelje i rad se mogu pratiti uživo)
- 2.1. Obilježavanje Međunarodnog dana muzeja
- 3.1. Izdavačka djelatnost: Zbornik radova HMBIH, izdanje posvećeno godišnjici opsade Sarajeva

- 3.2. učešće na History Forum Berlin – predstavljanje Werist Walter? (WW2)
- 3.2. učešće na godišnjoj konferenciji Balkan Museum Network u Zagrebu
- 4.1. međunarodni projekat (EU) – kickoff sastanak u Poljskoj, u saradnji sa Muzej migracija

Juni

- 1.1. Naučno-istraživački rad na izložbama
- 1.2. Prikupljački rad
- 1.3. Restauracija eksponata – živi muzej (restauratorski atelje i rad se mogu pratiti uživo)

- 2.1 Izložba bh umjetnika, u saradnji sa BHAAAS
- 2.2 Izložba Antidotes (Birgit Ludwig)
- 3.1 Ljeto u muzeju -manifestacija
- 4.1. promocija knjige, u saradnji sa Udruženjem SOC

Juli

- 1.1. Ljeto u muzeju
- 1.2. Restauracija eksponata – živi muzej (restauratorski atelje i rad se mogu pratiti uživo)

- 2.1. Obilježavanje godišnjice genocida u Srebrenici

Avgust

- 1.1. rad na izložbama
- 1.2. Restauracija eksponata – živi muzej (restauratorski atelje i rad se mogu pratiti uživo)

- 2.1. Ljeto u muzeju

Septembar

- 1.1. Naučno-istraživački rad na izložbama i digitalnoj platformi za BHRT i Žene BiH
- 1.2 Prikupljački rad

1.3 Restauracija eksponata – živi muzej (restauratorski atelje i rad se mogu pratiti uživo)

2.1. tematsko- ekspozicioni plan za Žene BIH i BHRT

3. izložbene aktivnosti: Pop art godišnja izložba (u saradnji sa Udruženjem Pogon), izložba fotografija Hadas&Any (Holandija), izložba posvećena Paul Lowe-u (u saradnji sa VII Academy), izložba World Press Photo 2025 (u pregovorima)

4.1. Festival Pitchwise, u saradnji sa udruženjem Cure

4.2. gostujući performans iz Njemačke i prateći program (posvećen Maku Dizdaru i stećcima)

5.1. međunarodni projekat (EU) – kickoff sastanak, Wroclav

Oktobar

1.1. Produkcija izložbi i digitalne platforme

2.1. Gostovanje izložbe Wake up Europe u Freiburgu, u saradnji sa Uni of Freiburg

3.1. međunarodni seminar Bringing history to life – seminar u Hrvatskoj

Novembar

1.1. produkcija izložbi

2.1. Mjesec muzeja – manifestacija – posvećena Muzej 80, izložbe i promocija digitalnih platformi Žene BIH i BHRT 80

Decembar

1.1 Naučno-istraživački rad

1.2. Prikupljački rad

1.3 Digitalizacija građe

2.1. Muzej podržava umjetnike i udruženja – open-end program

3.1. završne aktivnosti na obilježavanju 80.godišnjice


HISTORIJSKI MUZEJ
BOSNE I HERCEGOVINE

Tel/Fax: +387 33 22 60 98
Centrala: +387 33 22 60 98
Email: histmuz@bih.net.ba
Web: www.muzej.ba



1610000016710007 Raffelsen bank d.d. BiH Sarajevo
Identifikacioni broj: 4200510270006 Poreski broj: 017027740000
IBAN: BA391610000016710007 SWIFT: RZBABA2

Broj: 03 – 4 – 1/25
 Sarajevo, 03.01.2025.

FINANSIJSKI PLAN POSLOVANJA ZA 2025. GODINU

Prihod od iznajmljivanja poslovnog prostora	75 000,00 KM
Prihod od ulaznica	100 000,00 KM
Prihod od kataloga, publikaca, grafika	1 000,00 KM
Ostali prihodi od pružanja usluga (org.događaja, kustos)	60 000,00 KM
Prihod i suvenirnica	35 000,00 KM
Prihodi-subvencije, projekata, transfera	600 000,00 KM

Ukupni planirani prihodi 871 000,00 KM

R.B:	OPIS	UKUPNO
1	2	3
	UKUPNO RASHODI I IZDACI	773 000,00 KM
I	TEKUĆI RASHODI I IZDACI (a+a.3+b)	
a)	Plaće i naknade troškova zaposlenih (1-2)	410 000,00 KM
1	6111 – Bruto plaće i naknade	375 000,00
2	6112 – Naknade troškova zaposlenih	35 000,00
b)	Izdaci za material i usluge (1 - 8)	363 000,00 KM
1	6131 - Putni troškovi	
2	6132 - Izdaci za energiju	10 000,00
3	6133 - Izdaci za komunalne usluge	20 000,00
4	6134 – Nabavka materijala	25 000,00
5	6135 – Prevoz i gorivo	
6	6136 – Unajmljivanje opreme	
7	6137 - Izdaci za tekuće održavanje	85 000,00
8	6138 - Izdaci za osiguranje, bank.usl. i usl.pl.pr.	3 000,00
9	6139 – Ugovorene i druge posebne usluge	220 000,00

Ukupni planirani rashodi 773 000,00 KM

Direktorica

 Elma Hasimbegović, muzejska savjetnica

2-1-11
2-1-11

VII - AKTA VLADE KANTONA

Član 26.

Vlada Kantona u ostvarivanju svojih nadležnosti utvrđenih ustavom donosi uredbе, odluke, rješenja i zaključke.

Član 27.

Izuzetno za vrijeme trajanja ratnog stanja ili neposredne ratne opasnosti kada postoji objektivna nemogućnost da se sazove Skupština Kantona, Vlada može donositi i propise iz nadležnosti Skupštine Kantona.

Propisima iz stava 1. ovog člana ne mogu se staviti van snage prava i slobode utvrđene ustavom i drugim propisima.

Propise iz stava 1. ovog člana Vlada će dostaviti Skupštini na potvrdu čim ona bude u mogućnosti da se sastane.

Član 28.

Uredbom se ureduju najvažnija pitanja iz nadležnosti Vlade Kantona, bliže ureduju odnosi za provođenje zakona, obrazuju stručne i druge službe Vlade Kantona i utvrđuju načela za unutrašnju organizaciju organa uprave Kantona.

Odlukom se ureduju pojedina pitanja ili propisuju mjere Vlade Kantona, daje saglasnost ili potvrđuju akta drugih organa ili organizacija i odlučuje o drugim pitanjima o kojima se ne odlučuje uredbom.

Rješenjem se odlučuje o imenovanjima i razrješenjima, kao i o drugim pojedinačnim pitanjima iz nadležnosti Vlade Kantona.

Zaključkom se utvrđuju stavovi o pitanjima od značaja za provođenje utvrđene politike, ureduju unutrašnji odnosi u Vladi Kantona i određuju zadaci organima uprave i službama, kao i radnim tijelima Vlade Kantona. Zaključkom se odlučuje i u drugim slučajevima u kojima se ne donose druga akta.

Član 29.

Uredbe i odluke Vlade Kantona objavljuju se u "Službenim novinama Kantona Sarajevo", a ostali akti Vlade ako je to u njima navedeno.

VIII - JAVNOST RADA VLADE KANTONA

Član 30.

Javnost rada Vlade Kantona obezbjeđuje se u skladu sa zakonom kojim se reguliše sloboda pristupa informacijama u Federaciji Bosne i Hercegovine.

IX - STRUČNE I DRUGE SLUŽBE KANTONA

Član 31.

Za obavljanje stručnih i drugih poslova za potrebe Skupštine Kantona, Vlade Kantona i organa uprave, Vlada Kantona može osnivati određene stručne, tehničke i druge službe, kao zajedničke ili samostalne službe, u skladu sa zakonom.

Aktom o obrazovanju službe iz prethodnog stava, utvrđuje se njen djelokrug, kao i status i odgovornost te službe i lica koje njom rukovodi.

Član 32.

Vlada Kantona vrši nadzor nad radom stručnih službi koje obrazuje.

Sekretar Vlade Kantona rukovodi radom Stručne službe koja obavlja poslove za potrebe Vlade Kantona i odgovoran je za njen rad.

X - PRELAZNE I ZAVRŠNE ODREDBE

Član 33.

Vlada Kantona je dužna donijeti Poslovnik o svom radu u roku od 30 dana od svog konstituisanja.

Član 34.

Vlada Kantona Sarajevo dužna je uskladiti Poslovnik o radu sa odredbama Zakona o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 38/13), u roku od 30 dana od dana njegovog stupanja na snagu.

Član 35.

Poslovnik Izvršnog odbora Grada Sarajeva i drugi propisi koji se odnose na njegovo unutrašnje organizovanje i funkcionisanje, koji su na snazi na dan stupanja na snagu Zakona o Vladi Kantona Sarajevo ("Službene novine Kantona Sarajevo", broj 7/96), ukoliko nisu u suprotnosti sa Ustavom Kantona i ovim zakonom, primjenjivaće se kao propisi Vlade, dok se ne donese Poslovnik o radu Vlade Kantona.

Član 36.

Do imenovanja premijera i članova Vlade u skladu sa Zakonom o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 4/01), poslove iz nadležnosti Vlade vršit će Vlada u dosadašnjem sastavu.

Član 37.

Ovlašćuje se Zakonodavno-pravna komisija Skupštine Kantona Sarajevo da utvrdi Novi prečišćeni tekst Zakona o Vladi Kantona Sarajevo.

Član 38.

Zakon o izmjenama i dopunama Zakona o Vladi Kantona Sarajevo stupio je na snagu osmog dana od dana objavljivanja u "Službenim novinama Kantona Sarajevo", broj 38/13.

Na osnovu člana 16. Zakona o izmjenama i dopunama Zakona o sudskim taksama ("Službene novine Kantona Sarajevo", broj 18/14) i člana 181. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst i br. 15/13 i 47/13), Zakonodavno - pravna komisija Skupštine Kantona Sarajevo, na sjednici 22.08.2014. godine, utvrdila je Prečišćeni tekst Zakona o sudskim taksama.

Prečišćeni tekst Zakona o sudskim taksama obuhvata: Zakon o sudskim taksama ("Službene novine Kantona Sarajevo", broj 21/09), Zakon o izmjenama i dopunama Zakona o sudskim taksama ("Službene novine Kantona Sarajevo", broj 29/09), Zakon o izmjeni Zakona o sudskim taksama ("Službene novine Kantona Sarajevo", broj 14/11), Zakon o izmjenama Zakona o sudskim taksama ("Službene novine Kantona Sarajevo", broj 36/13) i Zakon o izmjenama i dopunama Zakona o sudskim taksama ("Službene novine Kantona Sarajevo", broj 18/14), u kojim je naznačen dan stupanja na snagu tih zakona.

Broj 01-05.22971-2/14

22. augusta 2014. godine
Sarajevo

Po ovlaštenju
Esad Hrvaić, s. r.

ZAKON

O SUDSKIM TAKSAMAMA (Prečišćeni tekst)

DIO PRVI. OPĆE ODREDBE

Član 1.

(Plaćanje sudske takse)

- (1) Ovim zakonom utvrđuje se način plaćanja sudskih taksa (u daljnjem tekstu: takse) u postupku pred Kantonalnim sudom u Sarajevu i Općinskim sudom u Sarajevu (u daljnjem tekstu: sud).
- (2) Postupci u kojima se plaća taksa i visina takse za pojedine radnje, utvrđeni su u Tarifi sudskih taksi, koja je sastavni dio ovog zakona.

Član 2.

(Obveznik plaćanja takse)

- (1) Takse propisane ovim zakonom plaća lice po čijem zahtjevu ili u čijem interesu se preduzimaju radnje u postupku, za koje je ovim zakonom utvrđeno plaćanje takse (u daljnjem tekstu: takseni obveznik).
- (2) Za podneske i zapisnike koji zamjenjuju podneske taksu je dužno da plati lice koje podnosi podneske i lice na čiji zahtjev

6
2

1

2

3

4

5

6

7

8

9

10

11

12

13

14

15

16

17

18

19

20

21

22

23

24

25

26

27

28

29

30

31

32

33

34

35

36

37

38

39

40

41

42

43

44

45

46

47

48

49

50

51

52

53

54

55

56

57

58

59

60

61

62

63

64

65

66

67

68

69

70

71

72

73

74

75

76

77

78

79

80

81

82

83

84

85

86

87

88

89

90

91

92

93

94

95

96

97

98

99

100

DIO DRUGI – SUFINANSIRANJE INSTITUCIJA

Član 5.

(Sufinansiranje institucija)

- (1) Kanton Sarajevo će putem resora Ministarstva za nauku, visoko obrazovanje i mlade Kantona Sarajevo sufinansirati rad Nacionalne i univerzitetske biblioteke Bosne i Hercegovine, odnosno putem Rektorata Univerziteta u Sarajevu Zemaljski muzej Bosne i Hercegovine.
- (2) Kanton Sarajevo će putem Ministarstva kulture i sporta Kantona Sarajevo sufinansirati institucije iz člana 2. tač. c) do g) ovog zakona.
- (3) Kanton Sarajevo će privremeno do ispunjenja uslova iz člana 2. stav (2) ovog zakona sufinansirati institucije iz člana 2. stav (1) ovog zakona, sredstvima namjenjenim za:
 - a) plaće, topli obrok, regres i druge naknade,
 - b) režijske troškove institucija.

Član 6.

(Izvrštavanje i planiranje rada)

- (1) Institucije su obavezne podnositi redovne godišnje izvještaje o radu i finansijskom poslovanju za proteklu godinu putem resornog ministarstva Vladi i Skupštini Kantona Sarajevo za finansijska sredstva iz člana 5. stav (3) ovog zakona, a na njihov zahtjev i periodične izvještaje za ta sredstva.
- (2) Institucije su obavezne dostavljati redovne godišnje planove i programe rada sa finansijskim planovima za tekuću godinu kojim se planira angažiranje finansijskih sredstava iz člana 5. stav (3) ovog zakona putem resornog ministarstva Vladi i Skupštini Kantona Sarajevo.
- (3) Godišnji programi rada sa finansijskim planovima i godišnji izvještaji o radu sa finansijskim izvještajima će se podnositi na način koji će se regulisati posebnim ugovorom o sufinansiranju institucije.

DIO TREĆI - ZAVRŠNE ODREDBE

Član 7.

(Nadzor nad primjenom)

Nadzor nad primjenom ovog zakona će vršiti Ministarstvo za nauku, visoko obrazovanje i mlade Kantona Sarajevo, Ministarstvo kulture i sporta Kantona Sarajevo i Ministarstvo finansija Kantona Sarajevo, svako u granicama svojih nadležnosti.

Član 8.

(Primjena drugih zakona)

Na institucije iz člana 2. stav (1) ovog zakona, a u skladu sa ovim zakonom, odgovarajuće će se primjenjivati odredbe Zakona o ustanovama ("Službeni list RBiH", br. 6/92, 8/93 i 13/94), kao i odredbe zakona ili drugih osnivačkih akata kojim su osnovane ove institucije na nivou Bosne i Hercegovine.

Član 9.

(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-26538/24
26. aprila 2024. godine
Sarajevo

Predsjedavajući
Skupštine Kantona Sarajevo
Elvedin Okerić, s. r.

Na osnovu člana 6. Zakona o javnim priznanjima Kantona Sarajevo ("Službene novine Kantona Sarajevo", broj 2/10 -

Prečišćeni tekst), Skupština Kantona Sarajevo na 15. radnoj sjednici održanoj dana 24.04.2024. godine, donijela je

ODLUKU

**O VERIFIKACIJI ODLUKE O PROGLAŠENJU
POČASNOG GRAĐANINA KANTONA SARAJEVO**

I

Skupština Kantona Sarajevo verifikuje Odluku o proglašenju Počasnog građanina Kantona Sarajevo, N.J.E. Rezeq N.M. Nameora, ambasadora Države Palestine u Bosni i Hercegovini.

II

Odluka o proglašenju Počasnog građanina Kantona Sarajevo, donesena je zbog izuzetnih zasluga i doprinosa u razvijanju međunarodnih odnosa na načelima solidarnosti i demokratičnosti te promocije mira, tolerancije i humanosti.

III

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-04-26071/24

24. aprila 2024. godine
Sarajevo

Predsjedavajući

Skupštine Kantona Sarajevo
Elvedin Okerić, s. r.

Na osnovu člana 6. Zakona o javnim priznanjima Kantona Sarajevo ("Službene novine Kantona Sarajevo", broj 2/10 - Prečišćeni tekst), Skupština Kantona Sarajevo na 15. radnoj sjednici održanoj dana 24.04.2024. godine, donijela je

ODLUKU

**O VERIFIKACIJI ODLUKE O DODJELI PLAKETE
KANTONA SARAJEVO**

I

Skupština Kantona Sarajevo verifikuje Odluku o dodjeli Plakete Kantona Sarajevo, Segmedini Srna-Bajramović, posthumno, kao priznanje za izuzetan doprinos razvoju i kreiranju društveno-političkog života u Kantonu Sarajevo i državi Bosni i Hercegovini, naročito u oblasti promocije ženskih prava, te brige i zaštite socijalno-ugroženih kategorija.

II

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-04-26053/24

24. aprila 2024. godine
Sarajevo

Predsjedavajući

Skupštine Kantona Sarajevo
Elvedin Okerić, s. r.

Na osnovu člana 6. Zakona o javnim priznanjima Kantona Sarajevo ("Službene novine Kantona Sarajevo", broj 2/10 - Prečišćeni tekst), Skupština Kantona Sarajevo na 15. radnoj sjednici održanoj dana 24.04.2024. godine, donijela je

ODLUKU

**O VERIFIKACIJI ODLUKE O DODJELI PLAKETE
KANTONA SARAJEVO**

I

Skupština Kantona Sarajevo verifikuje Odluku o dodjeli Plakete Kantona Sarajevo, Akademiku Hadžemu Hajdareviću, posthumno, kao priznanje za izuzetan doprinos i zalaganje u borbi za afirmaciju bosanskog jezika, književnosti i kulture u Kantonu Sarajevo i Bosni i Hercegovini.

